



## **Universitätsbibliothek Paderborn**

### **Asiaticae Historiae Societatis Iesv Pars ...**

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

**Bartoli, Daniello**

**Lvgdvni, 1670**

105. Cocinc. Rex praeter morem beneficus.

**urn:nbn:de:hbz:466:1-10757**

raci, & diuite hos fructus metat? mitto rationes conscientiae Christianæ; miror tantum quā possis, pudorem omnibus insitum, cum vita quam agis sustinere. Si non est emortuum penitus fidei tuæ lumen, cum emortuo igne tuæ charitatis, puto te in præsentiarum prospecturum, quid te post vitam futurum sit. Expectabant omnes, feminæ libertatem, quo ferret supercilium Mandarinus, in nutus arrecti, ad iniiciendas illi manus si significasset cohercendam; at is vita faturæ amara confixus mentione, exscendit equo, agit matronæ moniti gratias, facturum spondet quod admonuerat. Nec facere distulit, ea enim domum officiosè reducta Patres adit, accusat, exsecraturque præterita, & in nouum ardorem acceditur, extincto meliorem. Emendatum est duorum qui sequuntur peccatum solidius, crassiori poena. Imperatum sibi à Confessario iejunium tridui alter neglexerat; huic in coniugio celebri, lethalis humoris infesta guttula os repente distorsit; simul animo recurrit quam culpam lueret, & factum doluir, haud tam prius ex deformitate os restitutum est, & glutendi recepit facultatem, quam planè iejunus triduum implexerat. Alter die quodam Dominico dum sacro interest, prolixitatis tædio sub medium discedit, non sine offensione adstantium. Efferenti pedem duo se obiiciunt iuuenes; unus exeunt manu pectori indita moram facit, sonorum alter impingit colaphum, cuius clarus plausus cum templi totius oculos ad foras aduertisset, vident miserum humi voluntari extra se positum, & seminimem, donec peracta re diuina, recepit sese, fasilius adhuc tremens se ab duobus Angelis ad emendationem sui, & aliorum disciplinam castigatum.

Dū religionis inter Sinas, tām bellē negotium procedit, nihil propter absuit quam ipso cum regno funditus in Cocincina delectetur, sustentauit illam Bazomius nunc Deo propitio ex Cambogia redux qui viginti ab annis eam fundauerat. Agebatur annus ævi huius trigesimus quartus (ex quo filium scribendi de Cocincina resumimus) nostri vero simulati exilij quintus quo tutari nos priuatim latebris sinebamur, dū ne in publicum nos daremus nisi cum oneraria Lusitana ad illos portus applicaret. Applicuit autem hoc anno auspiciatissima. Nauis enim Præfectam dona Regi solita ferentem comitatus Sinoam P. Manuél Fernandez, tām inopinati erga nos affectus, in eo offendit popularitatem, quam eius ab ore insuetam, & nouam; dolere se grauiter nostris malis, euerione sacrarum ædium, & exilij decreto, quibus quintum iam annum nos vexasset, haud ullo quidem aduersum nos odio, sed quoddpij & æqui salvo iure, non posset Princeps, antiquos Regni Deos Christianorum probris, & stragi permittere, quas sè moniti, pergebant nihilominus in eos saevire; sed hoc quicquid ante hac transactum, transierit, inquit, & obliteretur penitus; noua exinde amicitia, nouis conditionibus colatur. Meis integrum sit religionem profiteri in qua securius cuiusque animus acquiescat, seu Dei unius, celestionis

105.  
Cocinc. Rex  
prater mo-  
rem benefi-  
cus.

cœlestium Domini ; seu uitam Deorum plurium. Sed alterius ab sua sequaces , verbo , factōe lēdā nemo ; qui securus fāxit , culpæ audaciā condigna pœna hæc ; hac lege libertatis in religione optanda quam quisque maluerit , constans alatur concordia , quam fore vobis iuvolaram , & sanctam confido ; veniant Patres , & centum si volent ; omnes mea gratia complectar , Bazomium maximè , cuius magnitudinem animi dotesque virtutis , & prudentiæ , pridem sibi probatas , mirè di laudauit . Lusitanis præterea ædificandi pagi potestatē fecit in portu Turonensi , frequentare illum hibitoribus suæ nationis quā multis liberet , suo illic iure , ac legibus viuere , Præfato & iudice Lusitano , cui ad hoc amplam tribuit facultatem . Iam hæc contra omnem expectationem , nec rogata , nec nobis cogitata liberalitas Regis tam larga & subita , non satis diuinabant Patres , secluso Dei nutu , vnde proflueret , nisi forte ex amplificata maiorem in modum , in Tunchino confini , & hostili , Christianitate , & se putaret vafer senex rationibus regni , sibi vni aut notis aut fictis consulere ; velletque Christianis , & eorum legi videti beneficis , & amicus cō propensius quod in Patria vita subtili examine cribrata , nihil potuisse arguere , præter illum quem falsò putabat permitti fidelibus furorem ad proritandos populi animos deiectione ac probro idolorum ; contra Bonzios norat ex omni colluvie sceleram concretos . Horum tamen fætas si regno non pelleret , cur Patres , & eorum legem ? expertusque suo cum magno dedecore fuerat cuiusmodi esset animal Bonzius . Venerat enim pauld ante in aulam ē regno Sinarum qui ore cultuque squallido , modestus , humilis , terrenorum contemptor , & verborum maximè pondere , aspectusque in cœlum crebritate aditum sibi tanquam cœlo dilapsus in palatium fecit , spondens fore ut animos suorum cum spiritu Deorum iungeret , nefcio quo amoris glutine quod omnes præter se ignorarent ; menses fluxerant non multi cum deprehensus est longe alio suis quam spiritus amore nuxuque coniungi , insimulatusque vulgante fama , etiam cum Regis filia consuelle , verè an falsò , quadratus disiectus est : eius scribia , gemmarum , & auri thesauro grauida quo simulatorem illum paupertatis , & spernacem bonorum , suæ ditabant discipulæ . Argumentatus Rex Bonzios ceteros non posse isto omnium optimo esse meliores , verūt feminas pedem mettere in eorum templo , ratus hoc fore castiores quo absentes ab iis longius . Singulati hæc Regis beneficentia vnde cumque tandem proficeretur , hand cunctanter Patres vestem depo- nunt simulatam , resumunt propriam , ministeria repetunt publicè intermisca , repente in multis , extinctam in quibusdam , iterato inflammant pietatem , quæ nostrorum quinquenni exilio iners iaceuerat . Turone fabricant adem sacram , quæ in aliam tipam deinde translata est ubi nouum pagum , noua Lusitanorum colonia Regis concessu obstatinebat ; initiantur denique conciones , excursiones in oppida , baptismi solen- nia , & quæ sua , quæ Catechistarum industria octoginta supra octingen-

106.  
Bonzius in-  
signis hypo-  
co ponitur.

107.  
Femina  
Christiana  
gelizat.

N N n n 3